

佛說菩薩修行四法經

唐中天竺三藏地婆訶羅奉 詔譯

如是我聞一時佛在舍衛國祇樹給孤獨園與大比丘眾千二百五十人俱爾時世尊告諸比丘汝等已得無量善利當求無上佛大菩提何以故佛菩提者世出世間無等等故若未來世諸眾生等發意欲求佛菩提者當修四法何等為四一者當發大菩提心寧失身命不應退轉二者應當親近善友寧失身命不應遠離三者應忍辱柔和寧失身命不生瞋恚四者當依寂靜之處寧失身命不思憤鬧諸善男子如是四法菩薩摩訶薩應當修學爾時世尊即說偈言

長四

十八

諸欲求勝果 當發菩提心 策勤精進行
須依善知識 忍辱佛所讚 稱為有力人

空閑聖所居 無畏猶師子

爾時世尊說此偈已復作是言諸有智慧大慈悲者能修如上四種之法其人則能解脫生死出離魔網成等正覺得大涅槃爾時世尊說此經已彼諸比丘及諸菩薩聞佛所說皆大歡喜信受奉行作禮而去

佛說菩薩修行四法經